



**T  
O  
M  
P  
A  
U  
L  
S**

**Tom Pauls un de Ilse Bähnert sei 60!**

*Dar spricht zwar net unner arzgebirgisch, aber e uhaamlich gut's sächsich – un des is ja aa ne ehrwürdiche Sproch! Iech war emol ne Stund ze zeitich zen Dienst in men Kulturhaus, do ging de Tür auf un dr Tom kam aa schu rei, zen erschn Mol ze uns. Dar war ieberrascht vun unnern Bau aus dr Wismutzeit. Allis mußst iech ihm zeign un drklärn –vun Kaller bis zen Överbudn. Zeit hattn mir genuch drzu, denn sei Programm ging ja erscht in gut zwee Stundn lus. Do hattn mir viel Spaß drbei!*



*Eier Schmidt*

**FAHRDIENST**

*Wer am 09.05.2019 zum Vereinshaus und auch wieder heim gefahren werden will, der möchte bitte anrufen:*

*Sollte der Fahrdiensthabende nicht gleich erreichbar sein, dann bitte öfter anrufen – ruhig auch schon ein oder zwei Tage vorher !!!*




Erzgebirgischer Heimatverein  
Eibenstock e.V.  
Otto-Findeisen-Str. 14  
08309 Eibenstock

Tel. 037752 / 2666 oder 2141  
Internet:  
www.heimatverein-eibenstock.de

Bankverbindung:  
Erzgebirgssparkasse  
IBAN: DE90 8705 4000 3892 2072 58  
BIC: WELADED1STB

# Unner Blatt`l



Nummer  
171

Mitteilungsblatt des  
Erzgebirgischen Heimatvereines  
Eibenstock e.V.

Juni  
2019



*War guckt dä do nooch Eimstock nei ?*

## Massach nooch Schweizer Art

leber Krankheitn un sonstiche Zipperleine wollt iech eingtlich net schreibn, dodrmit hat ja ball Jeder in unnern Haamitverein meh oder wenicher ze tu. Iech sog mir immer, wenn de frieh aufwachst un is tut dir wos weh, noocherts waßte wenichstns, des de noch labst. Un des is ja is wichtichste, denn mr hat ja nâr des aane Labn! Aber iech wollt eich nâr warne, wenn ihr emol ewu annersch seit, also innern Ausland, do müßt ihr eweng vürsichtig sei, wenn ihrs im Kreiz oder sunstewu in de Knochen habt un mol zen Beispiel zu ner Füsiotherapie gieh wollt. Vu Wolln kunnt bei mir ka Red sei, weil, des hat mir meine Gruße in dr Schweiz zen Geburtstag geschenkt:

En Besuch bei ihrer Fisiotherapeutin, die wâr Spitze. Des war nu schu ne ganze Weil har un iech hob do gar nimmer dra gedacht. Bein letztn Besuch sei mir zen spätn Friehtick dortn akumme un bei dr schennstn Schweizer Sammel un nern Kaputschino saat se mit ennmol: "Du, Pap, mir missn uns eweng beeiln, üm halb elfe haste dein Termin bei meiner Fisio!" Iech, eweng arg drschrockn, su gar net vürbereit – zen Glick hatt iech miech ugefahr ne Woch zevor gebodn – hob miech schnell noch e bissl frisch gemacht un dann aa

noch emol rings im de Gusch un Hals rasiert. Dann sei mr aa gelei neins Dörfel gefahrn. Do ging schu de Tür auf un ne Fraa in durchwachsne Alter tat uns begrießn: "Des is also dei Pap, nu kumm nâr rei, iech bi de , mir sogn gelei Du zuenanner, des is aafacher, wie haaßt du gelei?" Kaum des iech eweng vordattert mein Name gestammelt hatt, saat se schu: "Nu zieh diech nâr aus un leech diech auf mei Pritsch!" Weil iech ja e gehorsamer Mensch bi, hob iech miech bis auf mei Unnerhösl halt frei gemacht un brav hiegeleecht. Se wußt aa schu vu mei-

ner Grußn, welche Beschwerdn iech hob un hat gelei an de Halswirbln imhargedrickt, des iech eingtlich hätt ball schreie kenne. „Galle, des tut gut un gieht durch dein ganzn Körper!“ Iech saat nicht drzu, tat nâr aagestrengt tief Luft huln. Endlich tat se do aufhâr un ging ze de Fieß ieber. „Du hast Nervnschmerz n in Fuß, do kenne mir gelei

wos unnername. Kaa iech dir deine Sockn auszieh?“ Eh ich drzu kam, wos ze sogn, hatt se die Dinger aa schu runnergewirscht. Dann ging des nächste Ugelick aa schu lus: jede aanzlne Fußzeh tat se arg darb begrabschn, immer un immer wieder, vu links nooch rechts un zerick, dann kam dr mittlere Taal vun Fuß dra bis zr Farsch. „Des muss mr kräftich durchknetn, do wachn die Nervn un Muskl n ordlich auf un ham dann irngdwann ka Lust meh, im diech ze ärchern!“ Wenns ebber doch ze weh tun tät, söllt iech miech aa-

fach maldn. Iech saat nicht drzu un habs halt ausgehaltn. Die hat ja aa kaane Luft naagelesen –immer wenn iech gezuckt hob un de Baa aazieh wollt, hatt se die schie fest gehaltn. Endlich – iech dacht schu, iech läch do schu ne ganze Ewichkaat – hatt se

## Wir gratulieren unseren Heimatfreunden

Christine Baumgärtel	am 02.06.	zum 70. Geburtstag
Johannes Pünk	am 09.06.	zum 87. Geburtstag
Ingrid Spitzner	am 16.06.	zum 81. Geburtstag
Ralf Möckel	am 22.06.	zum 54. Geburtstag
Lieselotte Heymann	am 25.06.	zum 87. Geburtstag



*Wer morgens dreimal schmunzelt,  
mittags nicht die Stirne runzelt,  
und abends singt, dass alles schallt,  
der wird 100 Jahre alt!*

*(unbekannt, gibt aber Hoffnung)*



## Grillabend

am

Donnerstag,

06. Juni 2019,

18.00 Uhr

im Vereinshaus

**ERINNERUNG: Abgabe der Zettelchen für die Kräuterwanderung und 2-Tagesfahrt nicht vergessen !!!!!**

*Kräuterwanderung  
ca. 1 Stunde, anschl. Abendessen  
im Hotel Forstmeister, Schönheide*

Donnerstag, 11. Juli 2019,

16.00 Uhr

*Autobesetzung und Abfahrtszeiten  
folgen im Juli Blatt*

## Otto-Müller-Eibenstock im Stickereimuseum



In unner Museum sei zr Zeit allerhand Bilder vun Eimstocker Künstler, in Moler Otto Müller, ze sah. De „Bürgerstiftung „Zu Hause am Auersberg“ – un besonnersch is Kunsthaus - ham siech dodrfür stark gemacht. Zur Dröffnung gabs Intressants iber sei Wirkn un Labn ze drfahrn. De Eihaamischn wußtn lange Zeit



net esu racht wos mit den abstraktn Ideen un seiner Molererei aazefange. Erscht wu ar for de Sticktex die vieln kunstvolln Muster for de Hausschuhstoffe geschaffn hat, tat mr hier mit Huchachtung sei Wark beachtn un bewunnern. Aus sein langjähring Schaffn ka mr



siech do ne eichne Maanung bildn. Also, get emol wieder neins Museum, des luhnt siech allemol, im de Kunst vu unnern Otto Müller vorstieh ze kenne!



vu de Fieß ogelessn un saat: „Itze machen mer erscht emol su zwischndurch ewos ganz annersch, dei ganzer Körper fiehlt siech doch eweng ze hart aa.“ Un schu war se mit ihre grußn Händ of mein Bauch un tat do machtich drauflos drickn. Iech froocht se eweng ängstlich, öb do nicht kaputt gie ka drbei. Aber die hat när gelacht, des wär allis gut esu, do kaa nicht passiern, do tät allis wieder

in Schwung kumme. Un wenn iech dodrbei emol dringend wu annersch hie müßt, se hat aa ne gute Toilett in ihrer Praxis! Dann tat se ganz wichtich un kam mit ihrn Geheimtipp: ne Stachelmatt! Des war e Monster aus Plaste mit lauter ganz spitzn Stachln drauf, schlimmer als wie bei nern Igel! Die tat se auf mein durchwiehltn Bauch legn un ubn drauf, des des aa orndlich stacheln tät, noch e grußis Laderkissn. Des wär gut for de Durchblutung, des muß iech ne ganze Weil drtrogn. Kaum war die Prozedur endlich ieberstandn, tat se meine Arme un Baa betätichn. Aber wie, ka iech eich sogn: mit ihre Handballn is se do e schiens paar mol

darb rauf un nunner gerutscht un saat drbei mit nern spitzbiebchn Lächln: „Iech will deine Knochn spürn, deine Muskln wärns mir dankn!“ Dar aane Unnerarm un aa e Baa warn drei Tog drnoch noch ganz rut un blau!

Zen Schluss saat se: „Denk an mieh, ich bi de Beste of dare Walt!“ Un dann hat se mir die spitzische Matt mitgabn, iech söllt mieh immer mol mit de Fieß draufstelln. Itze hob iech mieh eweng dra gewehnt, halts mit Sockn e bissele aus – un is scheint gut ze tu....

Bis zr nächstn Fisio - Plocherei, eier Schmidt!

*War spielt, bleibt gung!*

